

Na osnovu člana 29. Zakona o izvršenju Budžeta Tuzlanskog kantona za 2008. godinu ("Službene novine Tuzlanskog kantona", broj: 14/07), a u vezi sa članom 3. Odluke o utvrđivanju uslova, kriterija i postupka za izbor i sufinansiranje programa i projekata udruženja iz Budžeta Tuzlanskog kantona za 2008. godinu, broj: 02/1-14-2027/08 od 18.04.2008.godine Vlada Tuzlanskog kantona raspisuje,

**JAVNI POZIV**  
**za predlaganje programa i projekata udruženja za sufinansiranje**  
**iz Budžeta Tuzlanskog kantona za 2008. godinu u iznosu od 616.990,00 KM**

**(Pravo učešća )**

Pravo učešća imaju udruženja koja su registrovana u Ministarstvu pravosuđa i uprave Tuzlanskog kantona, kao i udruženja koja su registrovana u skladu sa zakonom na entitetskom ili državnom nivou, a koja imaju sjedište, djeluju, rade i implementiraju projekte na području Tuzlanskog kantona.

**(Transparentnost postupka)**

Javni poziv se objavljuje u dnevnim novinama "Dnevni avaz", RTV TK i na zvaničnoj Web stranici Vlade Tuzlanskog kantona ([www.vladatk.kim.ba](http://www.vladatk.kim.ba)).

**(Preferencijalni kriterij)**

Sredstva iz Budžeta Tuzlanskog kantona prvenstveno se raspodjeljuju udruženjima čiji se programi i projekti odnose na :

1. zaštitu i promociju ljudskih prava i prava djeteta,
2. aktivnosti i podršku mladima,
3. smanjenje nezaposlenosti, socijalnu zaštitu, zaštitu civilnih žrtava rata i zaštitu porodice sa djecom,
4. promociju volonterskog i humanitarnog rada i lokalnih građanskih inicijativa,
5. izvaninstitucionalno obrazovanje – prekvalifikacije, doškolovanje, te razvoj socijalnog poduzetništva,
6. demokratizaciju i razvoj civilnog društva,
7. unapređenje kvaliteta življenja, zaštite i očuvanje zdravlja i životne sredine,
8. zaštitu i očuvanje kulturne baštine naroda i nacionalnih manjina u BiH i promociju njihovih kulturnih djelatnosti,
9. promociju javnih potreba tehničke kulture,
10. izdavačku djelatnost udruženja (izdavanje publikacija).

**(Isključivi kriterij)**

Prilikom procjene neće se razmatrati programi i projekti koji:

- su usmjereni ka vjerskim ciljevima i aktivnostima,
- se isključivo baziraju na investicijskim ulaganjima, izgradnji i adaptaciji objekata, kupovini opreme,
- se isključivo odnose na jednokratne manifestacije.

### **(Način prijave)**

Udruženje podnosi prijavu na javni poziv tako što popunjava Prijavni obrazac čiju sadržinu propisuje Vlada Tuzlanskog kantona.

Prijavni obrazac se može preuzeti sa Web stranice Vlade Tuzlanskog kantona ([www.vladatk.kim.ba](http://www.vladatk.kim.ba)) ili u pisarnici zajedničkih službi kantonalnih organa.

Prijavni obrazac se podnosi u zapečaćenoj koverti, a predaje putem pošte ili na pisarnicu zajedničkih službi kantonalnih organa.

### **(Potrebna dokumentacija)**

Uz ispunjen Prijavni obrazac udruženje obavezno prilaže :

- Rješenje o upisu u Registar udruženja kod Ministarstva pravosuđa i uprave Tuzlanskog kantona ili drugog nadležnog organa u Federaciji Bosne i Hercegovine ili Bosni ili Hercegovini [iz kojeg je vidljivo sjedište udruženja na području Tuzlanskog kantona] (original ili ovjerena kopija)
- Uvjerenje o poreznoj registraciji [Identifikacioni broj iz registra poslovnih subjekata] (original ili ovjerena kopija)
- Spesimen potpisa iz banke osoba odgovornih za finansije u udruženju ili kopiju ugovora s bankom o otvaranju transakcijskog računa [ugovor sadrži ID broj udruženja i imena ovlaštenih osoba] (original ili ovjerena kopija)
- Relevantan dokaz da je udruženje obezbijedilo dio sredstava iz drugih izvora za projekat/program sa kojim se aplicira [npr: Izvod iz banke o uplaćenim sredstvima na ime projekta/programa; Odluka o odobravanju sredstava, sa jasno iskazanim iznosom sredstava na ime projekta/programa i sl.]

Prijave udruženja na javni poziv uz koje ne bude dostavljena navedena dokumentacija neće biti razmatrane.

Prijave udruženja na javni poziv, korisnika sredstava iz 2007. godine sa pozicije "Organizacije i udruženja TK" koji nisu dostavili odgovarajući izvještaj o utrošku sredstava, neće biti razmatrane.

### **(Maksimalni broj projekata i maksimalni iznos sredstava)**

Udruženje ima pravo na jedan javni poziv prijaviti najviše dva (2) projekta.

Maksimalni iznos koji se udruženju može odobriti po jednom projektu je 20.000,00 KM.

Maksimalni iznos koji se udruženju može odobriti putem javnog poziva je 40.000,00 KM.

### **(Bodovni kriteriji)**

Prilikom raspodjele sredstava cijeniće se slijedeći kriteriji:

- vezanost projekta za preferencijalni kriterij,
- ciljevi projekta su specifični, dostižni, mjerljivi, realistični i vremenski određeni,
- adekvatna stručna zastupljenost u realizaciji projekta,
- inovativni aspekt projekta,
- samoodrživost projekta,
- uključenje i angažovanje većeg broja volontera u projekat,
- jasno definisane ciljne grupe,
- projektne aktivnosti uključuju društveno marginalizirane grupe,
- očekivani rezultati projekta su izraženi kroz kvalitetne indikatore,
- partnerski odnos sa drugom nevladinom organizacijom ili institucijom iz javnog sektora u realizaciji projekta,
- administrativni troškovi na projektu ne prelaze 30% ukupnog budžeta projekta.

**(Ugovor o sufinansiranju)**

Nakon donošenja Programa raspodjele sredstava Vlada Tuzlanskog kantona zaključuje ugovore sa udruženjima o sufinansiranju programa/projekata, kojim će se regulisati međusobna prava, obaveze i odgovornosti.

POPUNJENI PRIJAVNI OBRAZAC SA SVIM PRILOZIMA  
PODNOŠI SE KOMISIJI U ZAPEČAĆENOJ KOVERTI A PREDAJE PUTEM POŠTE  
ILI NA PISARNICU ZAJEDNIČKIH SLUŽBI KANTONALNIH ORGANA  
NA ADRESI:

**TUZLANSKI KANTON**  
**V L A D A**  
**KOMISIJA ZA PITANJA ORGANIZACIJA I UDRUŽENJA**  
**TUZLANSKOG KANTONA**  
**Slatina br. 2**  
**75 000 Tuzla**

[sa naznakom]

**"Prijava na Javni poziv za predlaganje programa i projekata udruženja za sufinansiranje iz Budžeta Tuzlanskog kantona za 2008.godinu u iznosu od 616.990,00 KM"**

**KRAJNI ROK ZA PODNOŠENJE PRIJAVA JE 15 DANA  
OD DANA OBJAVLJIVANJA U DNEVNIM NOVINAMA**

**PRIJAVNI OBRAZAC POTREBNO JE DOSTAVITI I U ELEKTRONSKOJ FORMI  
NEPOTPUNE ILI NEBLAGOVREMENE PRIJAVE NEĆE SE UZIMATI U RAZMATRANJE**